

2 Timoteo

Pablo Timoteore pari turi ojoa ohoahye

¹ Yũhũ Pablo, ahrire mũhũre Timoteore ojoa ohoaja. “Ijipihtiyequina Jesucristore wacũ tutu-ayequina uhmũsepe sa ijiducueta”, ni, cũri marine Cohãcjũ. Tiquiro sa ni cũrire yahuacjũre yũhũre bese cũri Jesu. Sa cũno Cohãcjũ tiquiro cahmeno sahata yero nidi yũhũre.

² Mũhũ Timoteo yũhũ cahĩgũ ijire. Mũhũre Jesu yere yũhũ buhegũ tũhogũ tiquirore quehnoano wacũ tutua dũcari mũhũ. Sa yegũ yũhũ macũ yero saha ijire mũhũ. Sa yegũ Cohãcjũ mari Расũ, mari pũhtoro Jesucristo mehna mũhũre quehnoa duti-aja. Sa yeye mũhũre paja ihña, tiquina yedohoye mehna quehnoano ijiya mũhũ.

Masare Cristo yere tiquina yahurire yahuahye Pablo

³ Ñamipũ, decopũ gũhũre Cohãcjũ mehna yahuducugũ mũhũ ye ijiatire sini basagũ mũhũ mehna bucueaja. Sa bucuegũ Cohãcjũre “Quehnoare”, niaja yũhũ. Panopũ cjẽna yũhũ acaye ñaňe buhiri marieno Cohãcjũ yere tiquina yeriro sahata yũhũ gũhũ yojopũre tiquiro yere yeaja.

⁴ Sohõ ijiri pjere yũhũ wahagũ mũhũ uti nũnũ tãe tirire wacũgũ mũhũre tutuaro ihña duaja, mũhũ mehna quehnoano bucue duagũ.

⁵ Sa yegũ Jesure potota mũhũ wacũ tutuarire wacũaja yũhũ. Mũhũ ñeco, Loida, mũhũ paco Eunice gũhũ mũhũ yero sahata Jesure wacũ tutua mũhtari mũhũ pano. Sa yegũ yojopũre mũhũ gũhũ tiqũirore mũhũ wacũ tutuagũ quehnoano masiaja yũhũ.

⁶ Sa yegũ ahrire mũhũre wacũgũ ye duaja. Mũhũ bui yũhũ omocarine yũhũ duhu peogũ Cohãcjũ yere mũhũ yeatire tutuayere ohori mũhũre. Ti tutuaye mehna ye nemoña mũhũ.

⁷ Cohãcjũ marine tiqũiro yaqũiro Espĩritu Santore ohori. Sa yero masare marine cueragũ yere Espĩritu Santo. Sa yero tutuana, masare cahĩna, tũho masina marine ijigũ yere tiqũiro.

⁸ Sa yegũ mari pũhtoro ye ijiatire apequinare yahugũ, bue tieracãhña mũhũ. Yũhũ tiqũiro yere yũhũ yeri buhiri peresupũ ijigũ niaja. Peresupũ yũhũ ijigũ yũhũre bue tisãedacãhña mũhũ. Sa yegũ quehnoañe buheyere mũhũ buheri buhiri ñano yũhdũgũ “Quehnoanota”, ñĩna mũhũ gũhũ. Mũhũ sa ñano yũhdũgũ Cohãcjũ mũhũre yedohorota.

⁹ Cohãcjũ pehe marine pecapũ wahaborinare yũhdũori. Sa yero quehnoana, tiqũiro yequina ijianare tiqũiro beseahye marine. Mari quehnoano yeye mehna tiqũirore marine besegũ yerũ. Tiqũiro esa tuharo tiqũiro cahmediro sahata yero ahri yehpare tiqũiro bajumehneato pano marine cahĩno, tiqũiro marine beseahye. Marine sa cahĩno marine yũhdũoatiqũirore Jesucristore ohoahye Cohãcjũ.

¹⁰ Yojopũre Jesucristore marine yũhdũoatiqũirore ohoro, marine potota tiqũiro cahĩñene masigũ yero niahye Cohãcjũ. Jesu marine

tiquiro yequinare pecarꝫ wahaeragũ yeri. Sa yero “Yũhũre wacũ tutuana Cohãcjũ mehna sa ijiducunata”, nino, quehnoañe buheyere marine yahuro ahtahye tiquiro.

¹¹ Ti buheyere quehnoañe buheyere yahuacjũre tiquiro cũacjũre beseri yũhũre.

¹² Sa tiquiro beserigũ ijigũ yojopũre ñano yũhdũaja yũhũ. Ohõ saha ñano yũhdũepegũta yũhũ bũe tieraja. Yũhũ wacũ tutuariquirore Jesure masiaja yũhũ. Tutuariquiro ijire tiquiro. Sa yero yũhũre tiquiro yere buhe duti cũno quehnoano yedohorota. Sa yero ahri yehparꝫ tiquiro tojoa tato pano, “Mũhũre yũhdũogũtja”, tiquiro nidiro sahata sohtori tirota yũhũre. Yũhũre yũhdũorota tiquiro. Tire quehnoano masiaja.

¹³ Mũhũre quehnoano yũhũ yahurire ye pehoya. Cristo Jesu yequina ijina tiquirore quehnoano wacũ tutuaja mari. Sa yena apequinare quehnoano cahĩaja. Sa yegũ tiquirore sa wacũ tutuaducuya mũhũ. Apequinare quehnoano cahĩducuya.

¹⁴ Sa yegũ Espíritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

¹⁵ Ijipihtiyequina Asia yehpa cjẽna Jesu yequina yũhũre yedoho dueraye, cohã cãa wahari. Tiquina mehna cjẽna pũaro Figelo, Hermógene sata yeri tiquina gũhũ. Tiquina sa cohã cãrre masi tuhasare mũhũ.

¹⁶⁻¹⁷ Tiquina sa cohãepegũta Onesíforo pehe peye tahari yũhũre yedohoro quehnoano jeri sajãgũ yeri. Sa yero yũhũ peresupꝫ ijigũ tiquiro yũhũre

bue tisãedari. Sa yero yũhũ Romapũ ijigũ sa macaducuri jiri yũhũre. Sa macaducuro yũhũre bocari. Sa yero tiqairo pohnene, tiquina pacoro gũhũre paja ihñanota Jesu mari pũhtoro. Tiquirote sa paja ihña dutigũ tiquirote sini basaja.

¹⁸ Sa yero ahri yehpapũ Jesu mari pũhtoro tiqairo tojoa tati deco tiquirote paja ihñanota. Tiquirote sa paja ihña dutigũ tiquirote sini basaja. Efesopũ marine Onesíforo tiqairo yedohorire quehnoano masine mũhũ.

2

Ñano yũhdũepenata Jesu yequina ijina ihcãno saharo cahmene marine

¹ Mũhũ pehe yũhũ macũ yero saha ijigũ, Jesucristo yedohoro mehna tiquirote wacũ tutuaducuya.

² Sa yegũ peyequina masare yũhũ buherire mũhũ tãhorire apeqina gũhũre buheya mũhũ. Tiquina mũhũ buheyequina Cohãcjũ yere yeducuyequina ijiahro. Sa ye apeqinare buhe masiñequina ijiahro.

³ Surara ñano yũhdũeperota tiqairo ihcãno saharo saha mũhũ gũhũ Jesu yaqairo ijigũ ñano yũhdũgũ, ihcãno sahaya mũhũ. Sa yegũ apeqina Jesu yequina yero saha yegũ nine mũhũ.

⁴ Surara tiqairo pũhtoro dutiye pehere yere. Sa yero tiqairo surara ijieyequina yero saha ihyo ijiyere yerare tiqairo. Mũhũ gũhũ sata Cohãcjũ dutiye dihitare yeya.

⁵ Omariquiro oma dutiyequina tiquina dutiyere queoro yeraro, tiquiro oma yahduducari wapare ne masiedare. (Sa yeg_u omariquiro ti dutiyere queoro tiquiro yeriro saha Cohãcjũ dutiyere quehnoano ye pehoya m_uh_u.)

⁶ Sa yero wese dahrariquiro quehnoano dahrariquiro pehe apequina pano quehnoano wapatare. (Sa yeg_u m_uh_u gũh_u tiquiro yero saha quehnoano dahraya m_uh_u.)

⁷ Ijipihtiyere quehnoano masigũ yerota Jesu mari p_uhtoro m_uh_ure. Sa yeg_u yojop_ure m_uh_ure y_uh_u nidire quehnoano wacũ t_uhotuya.

⁸ Sa yeg_u Jesucristore wacũña. Tiquiro p_uhtoro Davi m_unano panop_u cjũno tiquiro panamino iji turiariquiro ijiahye. Sa yero yariaro masa m_ujahye tiquiro. Quehnoañe buheyere buheg_u tiquiro sa waharireta buheg_u niaga.

⁹ Tiquiro yere buheg_u ñano y_uhd_uaja y_uh_u. Sa yeg_u tire y_uh_u buheri buhiri ñañene yeriquiro yero saha peresup_u ijiaja y_uh_u. Y_uh_u sa ijiepegũta Cohãcjũ ye yahuducuyere buhe duhugũ ye masiedare masa y_uh_ure.

¹⁰ Sa yeg_u Cohãcjũ beseriquinare buheg_u peye tahari ñano y_uhd_uaja y_uh_u, tiquina gũh_u Jesucristo yequina tiquina ijiatire. Tiquiro yequina ijiye tiquina pecap_u wahaboriquina pehe tiquiro y_uhd_uoatiquina ijietta. Sa ye tiquina Cohãcjũ mehna sa ijiducueta.

¹¹ Ahri y_uh_u niati ijirota ijire. Cristo yere mari yeri buhiri apequina marine tiquina wejẽgũ tiquiro mehna _uhm_usep_u sa ijiducunata.

¹² Sa yena tiquiro yere mari yeri buhiri ñano y_uhd_uepenata ihcãno sahana tiquiro

pũhtoro ijiropũre tiquiro mehna pũhtoata ijinata mari gũhũ.

- 13 “Cristore usã masiedaja”, mari nigũ, tiquiro gũhũ marine sata ninota. Tiquirore mari yũhdũdũcagũ ihñano tiquiro nidiro sahata marine buhiri dahrerota. Tiquiro nidiro sahata yeriquiro ijire tiquiro. Ne ni mehoedare. Ahri ijipihtiye tiquiro yahuri ijirota ijire.

Cohãcjũ tiquiro ihña coayequinare, tiquiro yere buheyequinare yahuahye Pablo Timoteore

14 Ahri yũhũ yojopũ yahuatire mũhũ mehna cjẽnare wacũgũ yeya. Tiquina esa tuharo ihyo ijiyere tiquina yahuducuye dahseati ijierare. Sa yeye tiquinare tũhoriquinare ñano yegũ yere. Sa yegũ mari pũhtoro ihñonopũ ohõ saha ni yahuya tiquina esa tuharo buheriquinare. “Mũsa yahuducuro saha yahuducueracãhña”, niña tiquinare.

15 Mũhũ pehe Cohãcjũ yere quehnoano buheya. Sa yegũ Cohãcjũ yere tutuaro yeya. Mũhũ sa yegũ ihñano “Quehnoano yeri mũhũ”, ninota Cohãcjũ mũhũre. Sa yegũ mũhũ buherire tiquiro ihñagũ bue tisi mũhũ. Sa yegũ tiquiro ye buheyere quehnoano masiña. Sa yegũ tire queoro buheya.

16 Tiquina esa tuharo yahuducuyequina ñañene sa yeducure. Sa yegũ tiquina sa ni yahuducuyere tũho yabiya mũhũ.

17 Tiquina pehe tiquina yahuducuye camino ahba mũjano yero saha ijire. Camino ahba mũjano saha tiquina yahuducuye gũhũ apequina Jesu yequinare ñañequina wahagũ yeeta. Sa

yahuducuyequina mehna cjēna Himeneo, Fileto gāhḡ ijire.

18 Sa yeye tiquina “Jesu yequina masa mąja tuhasari”, ni buheye, quehnoañe buheyere duhu cāri tiquina. Sa sijoro saha buheye, meheñequinagā Jesu yequinare tiquirore wacū tutua duhugū yeri tiquina.

19 Tiquina sa ñano buhepegāta Cohācjū ye buheye pehe ne comesaerare. Ohō saha nine tiquiro ye buheye: “Mari puhtoro Jesu tiquiro yequinare masine. Sa ye, ijipihtiyequina ‘Jesu yequina ijiaja’, niñequina ñañene duhu cāhdo”, ni yahure Cohācjū ye buheye.

20 Mari queoye mehna buhegū masa sihniñe pari yero saha ijire. Pajiri wāhḡḡ uru, plata mehna tiquina yeri pari ijire. Sa yero ti wāhḡḡ apeye pari yucḡḡ mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ihyo ijiyere tiquina pose yeati ijire.

21 Sa yero ñañene yerariquiro uru pa quehnoari pa yero saha ijirota. Sa yero tiquiro pehe Jesu ye dihitare yeducuriquiro ijirota. Sa yero wāhḡ cjāno quehnoari pa mehna quehnoañene tiquiro yeriro saha, ñañene yerariquiro Jesu ye ijiatire quehnoañene yerota.

22 Wahmḡ ijire mḡḡ. Sa yegḡ wahma pjia ñañene tiquina tutuaro ye duaro sahata yeracāhña mḡḡ. Sa yegḡ quehnoañene yeya. Jesure wacū tutuaducuya. Sa yegḡ tiquirore, masa gāhḡre cahña. Sa yegḡ mḡḡ mehna cjēna Jesu yequina mehna ijigḡ cahmequeno marieno quehnoano

ijiya m̄h̄h̄. Sa yeya m̄h̄h̄ Cohãcjũre yãhtiyequina tiqirore siniducuyequina mehna ijiḡh̄.

²³ Sa yeḡh̄ tãhoturo marieno tiquina cahme yahuducuyere m̄h̄h̄ ḡãh̄h̄ tãho nãnedacãh̄ã. Sa yeḡh̄ m̄h̄h̄ ḡãh̄h̄ sa cahme yahuducueracãh̄ã. Sa ni yahuducuye masa tiquina basi cahme tuhti, usuare.

²⁴ Cohãcjũ cahacjũno ihcãquiro ijiro, cahme tuhtiaro cahmene tiqirore. Sa yero ijipihtiyequinare quehnoano yeriquiro, buhe mihnidiquiro, duita usueriquiro ijiro cahmene tiqirore.

²⁵ Sa yero apequina tiqiro mehna tiquina cahme tuhtiḡã tiqiro tiquinare yahuro, quehnoano mehna usuaro marieno yahuro cahmene tiqirore. Tiqiro sa yahuḡã ihñañe Cohãcjũ yedohoye mehna tiquina pehe tiquina ñaño yerire b̄j̄h̄a witiboaga. Sa ye quehnoañe buheyere masi d̄caboaga.

²⁶ Tiquinare watĩno c̄omedi tiqiro cahmeñene yeatiquinare. Sa ye tiquina ñaño yerire b̄j̄h̄a witiri bato quehnoañe buheyere masiño, watĩnore cohã cãeta.

3

Pihtiati deco ijiatire yahuahye Pablo Timoteore

¹ Pihtiati deco panogãre ñano yãhd̄eta masa. Tire quehnoano masiña m̄h̄h̄.

² Ti pjere masa apequinare wacũ peoyequina, niñerure cahme yãhd̄d̄cayequina, “Apequinare masi yãhd̄d̄caja”, ni tiquina basi tãhotuyequina, masare ñano tuhtiyequina, tiquina pac̄s̄m̄are yãhd̄d̄cayequina, tiquina ohoepegãta

“Quehnoare”, nieñequina, Cohãcjüre ño peoyequina ijieta.

³⁻⁴ Sa ye masare cahñequina, paja ihñequina, ñañe quti dahreyequina, tiquina esa tuhoro ñano yeducuyequina, masare sa queducuyequina, quehnoañene yabiyequina, tiquina mehna cjênare ñano yeyequina, taho masieñequina, “Masi pehoaja”, ni tãhotuyequina ijieta masa. Sa ye ñañene cahme yãdãdãcayequina ijiye, Cohãcjũ pehere cahmeeñequina ijieta.

⁵ Sa ye tiquina masa ihñonopũ Cohãcjüre ño peopeta “Cohãcjũ ihyo ijiriquire ijire”, ni tãhotumene tiquina.

Sa niñequinare piti tieracãhña mũhũ.

⁶ Tiquina mehna cjêna tãho masieñequina numia ye wãhãsepũ sajã, tiquina numiare ni mehoñene buhere. Tiquina numia pehe sa ñañene yeducuyequina numia, tutuaro ñañene ye duare.

⁷ Tiquina numia sa buheducuye ihyo ijiye buheyere, sijoro saha ijiye buheyere tãhoye numia ijiye, Cohãcjũ ye buheye pehere ne masiedare.

⁸ Panopũ Jane, Jambre yayia mũna Moiserẽ tiquina ihña tuhtiro sahata pihtiati deco panogã ijiiyequina masa quehnoañe buheye pehere ihña tuhtieta. Tiquina ñañe dihitare tãhotuyequina ijieta. Sa ye Jesure wacũ tutuayequina waro ijierare.

⁹ Sa yeyequina tiquina ni mehoñene tãho ducasi ayequina pehe. Came tiquina ni mehoñene, tãho masieñequina tiquina ijiye gũhãre ijipihtiyequina masieta. Jane, Jambre mehna tiquina ni mehoñene panopũ masa tiquina masidiro sahata sata masieta pihtiati deco panogã ni mehoñequina tiquina ijiiyere.

Pablo Timoteore duti bato tiahye

¹⁰ Y_hu buheyere, y_hu yee tirire, y_hu ijiye tiyere, y_hu ye duayere, Jesure y_hu wacū tutu-ayere masine m_hu. Sa yeg_u usuario marieno y_hu yerire, masare y_hu cahĩñene, ñano y_hu d_hepeguta y_hu ihcāno saharire masine m_hu.

¹¹ Sa yeg_u y_hu tiquina ñano yerire, y_hu ñano y_hu d_hurire masine m_hu. Sa yeg_u Antioquíar_u, Iconiopor_u, Listrar_u, y_hu ña y_hu d_huaro tiquina yerire masine m_hu. Y_hu sa wahagū ihñano mari p_hatoro Jesu pehe y_hu yedohori.

¹² Ijipihtiyequina Jesucristo yequina tiquina iji duagū Cohācjū dutiriro sahata tiquina yeducu duagū apequina tiquinare ñano yeeta. Ti ijirota ijire.

¹³ Sa ye ñañequina pehe ni mehoñequina gūh_u ña y_hu d_hayequina wahaeta. Apequinare ni mehoñe, tiquina basi ni mehoñene “Sa tjire”, niñe, ña y_hu d_hayequina wahaeta.

¹⁴ M_hu pehe m_hu y_hu buherire, quehnoano m_hu t_hhorire sa wacūducuya. Sa yeg_u y_hu buheriro sahata yeya. M_hu buheriquinare masine m_hu.

¹⁵ M_hu nijig_u ijig_u p_hta Cohācjū yere tiquina ojoari pūre masi d_hcahye m_hu. Tiquiro yere tiquina ojoari pūr_u ohō saha ni yahure m_hu: Jesucristore wacū tutuayequina dihitare pecar_u wahaboriquinare y_hu d_hore Cohācjū.

¹⁶ Cohācjū yere tiquina ojoari pūr_u ijipihtiyere Cohācjū pehe oja dutiahye. Sa yena ti pūre buhena mari masi nemoaja. Ti pūre buhena Cohācjū dutiyere mari yeatire masiaja. Sa buhena mari ñañe yerire “Ahri ñañe ijire”, ni t_hhotuaja

mari. Sa yero ti pū marine quehnoañe pehere comesa dutire. Sa yero decoripe quehnoañene mari yeducuatire yahure ti pū.

¹⁷ Sa yero Cohācjū yaquiro tiquiro ya pūre buhero, masi pehorota. Sa masino ijipihtiyere quehnoañene ye masinota tiquiro.

4

¹ Jesucristo ijipihtiyequina pūhoro, tojoa tatiquiro, catiyequinare, yariariquina gūhare buhiri dahre dutiatiquiro tiquiro ihñonopu mūhare ohō saha ni yahutja. Cohācjū ihñonopu gūhare ohō saha ni yahutja mūhare:

² Decoripe masa tiquina tūho duagū tiquina tūho dueragū gūhare Cohācjū yere yahuya. Sa yahugū masa tiquina ñaÑe yerire masigū yeya tiquinare. Sa yegū tiquina ñaÑe yerire “Ye nemoedacāhña”, ni yahuya tiquinare. Quehnoañe pehere ye dutiya. Sa buhegū ne usuegū, caributieracāhña mūhū. Sa yegū ne apequinare buhe duhueracāhña.

³⁻⁴ Camepū masa quehnoañe buheyere tūho dūasi. Sa tūho dueraye, tiquina cahmeno sahata yeye, tiquina tūho coaye dihitare buheyequinare cahmeeta tiquina. Sa ye ni mehoÑe buheyere peyequina buheyequinare cūoeta. Tiquina sa yeye quehnoañe buheye pehere cohā, tiquina sa buhe maca cārire tūho nūnūeta. Sa yegū quehnoañe buheyere buhe duhueracāhña mūhū.

⁵ Mūhū gūhū sa ijigū decoripe tūho masigū ijiya. Sa yegū ñano yūhdūepēgūta ihcāno sahaya. Sa yegū quehnoañe buheyere sa buheducuya. Cohācjū mūhare tiquiro ye dutirire ye peho cāhña mūhū.

⁶ Yuhũ Cohãcjũ yere yuhũ yeri buhiri yuhũ yariato mehenogã dahsare. Sa yegũ meheñe decorigã catiniitja.

⁷ Yuhũ yariato panogã ahrire yahutja: Jesu quehnoañe buheyere yuhũre buhe dutiro tiquiro cũrire quehnoano buhe sohtori tii. Tiquiro ye dutiyere quehnoano ye pehou. Sa yegũ ñano yuhdũepegũta tiquirore ne wacũ tutua duhuerũ.

⁸ Yojopũre quehnoañene yuhũ yeri wapare uhmũsepũ ihboro niaga. Sa yero mari puhtoro, ijipihtiyequinare masi pehoriqiro, buhiri dahre dutiro queoro yahuriqiro tiquiro tojoa tati deco tiquiro yere yuhũ yeri wapare ohorota yuhũre. Apequina gũhũre tiquiro tojoa tatire cohteyequinare tiquirore cahĩñequinare tiquiro yere tiquina yeri wapare ohorota Jesu.

Pablo yahu nemoahye Timoteore

⁹ Yuhũ cahapũ umũñano ihñagũ ahtaya mũhũ.

¹⁰ Dema ahri yehpa cjẽ ijipihtiyere tutuaro cahmeno yuhũre yedoho dueraro cohã cãa wahari Tesalónicapũ. Crescente gũhũ Galacia yehpapũ wahari. Sa yero Tito gũhũ Dalmaciapũ wahari.

¹¹ Luca dihita yuhũ mehna ijire. Marco yuhũre quehnoano yedohoatiquiro ijire. Sa yegũ tiquirore ne cãhtaya mũhũ.

¹² Sa yegũ Tíquicore Efesopũ ohou.

¹³ Ohõpũ ahtagũ, yuhũ bui sañari suhtirore, Troapũ Carpo ya wuhũpũ yuhũ cũri suhtirore ne cãhtaya. Sa ye sohõ ijiri tunuri ojoari tunuri gũhũre ne cãhtaya. Sohõ ijiri cahseri ojoari cahseri pũritare tutuaro cahmeaja yuhũ. Sa yegũ ti cahseri gũhũre ne cãhtaya.

14 Alejandro comene dahrariquiro yũhũre ña yũhdũaro yeri. Sa yero tiquiro sa yeri buhiri Cohãcjũ buhiri dahrerota.

15 Tiquiro Alejandro mari ye buheyere tutuaro ihña tuhtiri. Sa yegũ tiquiro mũsare “Ñano yeari” nigũ, tiquirore ihñagũ, quehnoano wacũ masiña.

16 Masare beseriquirore peresupũ ye dutiriquirore yũhũ yerire, yũhũ buherire tiquirore yũhũ coã yahugũ ne ihcãquiro boro Jesu yaquiro yũhũre yedohoerari. Ijipihtiyequina yũhũre yedohoeraye, cohã cãa wahari. Tiquina sa cohãepẽgũta yũhũre tiquina cohãri buhiri Cohãcjũ buhiri dahreracãhdo.

17 Yũhũ sa wahaepẽgũta Cohãcjũ yũhũre yedohori. Sa yero tiquiro ye buheyere yũhũ quehnoano yahuatire tiquiro ye tutuayere ohori yũhũre, ijipihtiyequina judio masa ijieyequina ti buheyere tiquina tũhoatire. Sa yero yũhũre tiquina ñano tiquina ye duepẽgũta yũhũre tiquina ñano yeborigũre yedohori mari pũhtoro.

18 Ijipihtiyequina yũhũre ñano yeyequinare yũhdũdũcaro, yũhũre yedohorota mari pũhtoro. Sa yero ỹmũsepũ tiquiro pũhtoro ijiropũ yũhũre iji dutiro, yũhũre yũhdũorota tiquiro. Sa yena “Tiquiro quehnoa yũhdũariquiro, tutua yũhdũariquiro ijire”, niihna mari ijipihtiye decori. Sata niihna.

*Pablo quehnoa dutiahye Timoteo cahapũ ijieye-
quinare*

19 Prisca, Aquila, Onesíforo ya wũhũ cjẽna gũhũ quehnoahdo.

²⁰ Erasto Corintop_u tojoari. Tróximo Miletop_u dohatia wahari. Sa yeg_u tiquireore top_u cūu y_uh_u.

²¹ Pohero pano _um_uñano ahtaya m_uh_u. Eubulo, Pudente, Lino, Claudia g_uh_u, ijipihtiyequina Jesu yequina m_uh_ure quehnoa dutire.

²² Mari p_uh_utoro Jesucristo m_uh_u mehna ijirota. Sa yeg_u m_usare ijipihtinare Cohãcjũ mehna pajiro quehnoa dutiaja.

Cohãcjũ Yere Yahuducuri Tju New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
ad83cef1-6eb5-5233-a8f3-356e47bbda0d